





石湖居士文集卷第十四

詩

與吳興薛士隆使君遊弁山石林先生故

居此卷乾道壬辰冬赴廣西道中所作舊名南征小集

石湖五古
風格俱老

白蘋有嘉招。蒼弁得勝踐。會心不憚遠。乘興恐失便。
盤輿犯窮臘。共作忍寒面。冥濛雲釀雪。浩蕩風落鴈。
松篁漸清幽。猿鶴或悲怨。英英文章公。作舍鎖葱蒨。
崑峯俯前榮。佳木秀諸院。窮搜發山骨。林立侍談讌。
西巖踞熊虎。東巖峙屏樓。履綦故彷彿。蓋瓦已零亂。
經營三十年。成毀一飛電。摩挲土花碧。小立為三歎。



白石林回過小玲瓏巖巖實益奇昔為富人
吳氏所有今一子尚幼山檢校於官

一丘乃中虛洞穴四無礙却略巖岫杳黝糾石狀怪
蒼牛飲前池碧罇灑微瀨雕鏤具百巧圖書窮千態
哀湍寫壞磴凍雨濕空翠踈梅照草棘瘦竹拔蹊隧
當時閭閻子目力有塵外孤童貌難料奇事疑有待
誰歟千金指來換把茅蓋不仙亦足豪眾垤皆累塊
我評北山遊勝絕此無對玲瓏詎可小孰能為之大

濯纓亭在吳興南門外

淒風急雨脫然晴當道橫山似見迎野水茫茫何用

許爛供遊子濯塵纓

乾道己丑守括被召再過釣臺自和十年
前小詩刻之柱間後五年自西掖帥桂林
癸巳元日雪晴復過之再用舊韻三絕

浮生渺渺但飛埃問訊星宮又獨來天上人間最高
處為君題作鬱蕭臺

拙疎何計補消埃慚愧雙旌去又來三過溪門今老
矣病無脚力更登臺

界天山雪淨黃埃溪上扁舟夜泛來西地東風勸椒
酒山頭今日是春臺

玉山道中

常山多清溪玉山富喬木行色鬱蒼然頗亦慰愁目
梅花隔籬見瓏璵照茅屋晚來風刮地想見飄香玉

桃花壇下望龜峯

石壇無土謾嶽岑何自能生小柏林擬擘蛤蜊龜殼
上病來不殺懶登臨

清音堂與趙德莊太常小飲在餘干琵琶洲旁洲以形似得名

曲浦鬱環繞縣青一杯閑客兩飄零琵琶不語蒼煙
暮山水清音著意聽

撰脫凡近

過鄱陽湖次游子明韻

春工釀雪無端密大塊囊風不肯收休問嶢巖與歌
側我今弟靡共波流野鷹兀兀平沙上折葦蕭蕭古
渡頭滿眼荒寒底處所令人腸斷五湖舟

豫章南浦亭泊舟二首

繡檻臨滄渚牙樯插暮沙浦雲沉斷鴈江雨入昏鴉
野曠天何近春寒歲未華朝來風一席隨處且浮家
閨歲花光晚霜朝草色荒趁墟猶市井收潦再耕桑
客路東西懶江流日夜忙長歌情不盡一酌酌滄浪

清江道中摘園甚夥

芳林不斷清江曲倒影入江江水綠未論萬戶比封
君瓦屋人家衣食足暑風汎花蘭芷香秋日籬落明
青黃客舟來遲佳景盡但見碧樹愁春霜

清江臺在臨江郡圃西岡上張安國題榜
南來富壽岡形勝此蟠結嶺嶢戴高臺^臺攔檻了風月
蕭灘曳長烟閣皂烟殘雪江流當帶橫練練浮木未
天風來無鄉萬里吹醉纈登臨信竒事忍凍亦癡絕
故人春夢覺遺墨秋蛇掣浮雲真可咤揮解酌空闊

自冬徂春道中多雨至臨江宜春之間特
甚遂作苦語

客行無晴時泔泔如漏天東吳至西江舊歲接新年
蠟屐驚躡決油衣笑鷄懸掖淖起復仆踰步如重關
略似鴨與猪汨汰泥水攔我途未渠窮一晴愧天慳
倒塔橋已斷壁破渡無舡路人相告語未到先長歎
薄晚得磽确稍入袁州山不辭石齧足聊免泥沒鞵
自古行路吟聽者凋朱顏軒渠尚能賦詩人類癡頑
玉虛觀去宜春二十五里許君上外特飛
白茅數葉以賜王長史王以宅為觀觀旁
至今有仙茅極異常草備五味尤辛辣云
又食可仙道士煮湯以設客

白雲堆裏白茅飛香味芳辛勝五芝採葉煮泉摩腹
去金勝石髓畏風吹

入分宜

新喻渡無橋分宜橋有欄孰歟兩徼吏賢否已判然
堂上著威信四郊如目前入國政可知茲焉略闕觀

方竹杖

竹君箇箇面團團此士剛方獨凜然外貌中心俱壁
立任從癡子削教圓

游仰山謁小釋迦塔訪孚惠二王遺蹟贈
長老混融

堵田溪淵清洄洄梅洲問路寒雲堆連空磴道虬尾
滑竹輿直上無梯階蒼官來迎夾道立相逢無言心
眼開翠微中斷雪礮吼兩耳不辨供喧阗林間靜極
成斷相政要萬壑號風雷山如蓮盆繞金地龍宮避
席餘蒼崖祖師抱膝坐古塔大禪海浪翻天來騰空
狡獪我未暇拄杖踏濕撞莓苔問龍亦借一席地解
包聽雨眠西齋當年公案忌錯舉神通佛法同坑埋
混融菴中的的意笑我舌本空崔嵬茲事且置飽喫
飯禪田米賤如黃埃

大雨宿仰山翌旦驟霽混融云無乃開仰

山之雲手出山道中作此寄混融

翻本韓蘇
公案識解
更其

誰開大仰雲。此豈吾力及。日光千丈毫。彈指衆峰立。
衡山卷陰氣。海市發冬蟄。韓蘇兩枯魚。出語自濡濕。
人厄與天窮。底用苦封執。但喜拄杖俊。仍欣芒屨澁。
向來三尺泥。有足似羈馱。龍淵古橋斂。獺徑寒溜泣。

龍淵獺徑皆
山中往迹

春淺山容瘦。風飈磬聲急。一簞寄前村。野

菽旋收拾。貓頭髡笋尖。雀舌剥茶粒。土毛冠江西。斗
酒况可挹。聊同一笑粲。緩賦百憂集。

初入湖南醴陵界

崖樹陰陰夾。冥途出山歡。喜見平蕪一。春客夢飽風

雨行盡江南。聞鷓鴣

醴陵驛

綠水橋邊縣前浮門柳已黃。人稀山木壽。土瘦

水泉香。乍脫泥中滑。還嗟堠子長。楮洲何日到。鼓枻

上滄浪

湘潭道中詠芳草

積雨倏然晴。秀野若新沐。芳草徑寸姿。中有不勝綠。
萋萋路旁晴。頗亦念幽獨。驅馬去不顧。斷腸招隱曲。

初見山花

三日晴泥尚沒鞞。幾將風雨過年華。湘東二月春纔

到恰有山櫻一樹花

楮洲道中

煙疑山如影雲裏日射毫桃間紅樹迥裏綠叢高
客子歎遊倦田家甘作勞乘除吾尚可未擬賦離騷

浮湘行

湘山中間湘江橫菰蘋葉齊春漲生盤渦法去無
聲吾乘桂舟泝中流揚波擊汰雙擗轉轆轤引竿如
牛鳴篙師絕叫疊鼓車轉潛魚跳奔乳猿驚馬暖煙浮空
晝曹騰山長水遠天無情吹簫拊瑟吊湘靈水妃風
馭續來迎問客良苦遠征行昨者斧鉞下青冥命我
盡護安南兵嶺海一視如王庭布蕩陽春濯腐腥王
事靡監來有程匪躬之故惟爾昨芳洲杜若空青青
九歌淒悲不可聽願賡楚調歸和平

湘江洲尾快風挂帆

船頭雪浪吼奔雷十丈高帆滿意開我自只憑忠信
力風應不為世情來兒童屢惜峯巒過將士猶教鼓
笛催明艗祝融天柱去更煩先捲亂雲堆

湘江魚口灘

知時社燕語檣竿竿游子犇波自鮮歡趁客賣魚雙漿
急隔林沽酒小旗寒瀟湘渾似日南落嶽麓已從天外

看薄暮灘前收百丈卧聞三老報平安

南嶽

湘中固多山夾岸萬馬屯坡陀無敢高似遜喬嶽尊
曉投望雲亭衆丘拱墻藩濃嵐忽飄蕩積翠浮雲端
天柱至峻極祝融更高寒紫蓋鬱當中岡勢洶崩奔
峙為赤帝峯下直宮堧垣角接捧雙闕圓方模九閭
炎符撫中興南正寔司天草木薰叶氣山林奠神姦
妥靈有備物龍卷鸞旗軒走忝桂林伯與神俱南轅
上謁禮亦宜為國憂元元心空禍福相古井寒無瀾
杯玦不用擲但願歸田園相傳壁畫好拂拭塵埃昏

弓刀立壯士劍佩班靈官後宮行樂處窈窕千雲環

錦地舞月晝珠籠侍春閑武氏筆已絕梗槩猶清妍

後宮壁畫武洞清筆極禁籙富貴之趣紹興二十年火後為雨所敗後人摹舊蹟更畫猶有髣髴旋車闔廟去

頗厭山市喧勝果招客遊徑排集賢關梵度絢雜組

衡陽藏經皆錦絲竹簾護之孟蜀時錫杖鏘古鏗開山善果尊者所遺

避雨勝業閣在嶽祠之南晚晴留凭欄石廩映岫嶮望眼

增孱顏上封眇孤絕南臺半雲煙碧岫有靈藥朱陵

巢洞僊晚晴乃盡見諸峯病倦懶幽討山僧鑄我頑松膠唐

季枝拍跖隋初根奇事不勝紀重遊當細論廟路三十里夾岸大

松五季時馬氏所植勝業寺栢不見根偃于地出八幹龍蟠占數畝世所未之見傳為隋時物

兩蟲

鷓鴣憂兒行不得杜宇勸客不如歸天涯羈思難繪
畫惟有兩蟲相發揮

衡陽道中二絕

桑下蕪菁晚高花出短籬茅簷少春事惟記浴蚕時
黑殺鑽籬破花猪突戶開空山竹瓦屋猶有燕飛來

衡州石鼓書院

古磴浮滄渚新巒鏤碧蘿要津山獨立巨壑水同波
俎豆彌文肅衣冠盛事多地靈鍾傑俊寧但拾孺科

合江亭并叙

合江亭即石鼓書院今為衡州學宮一峯特立踞兩
水之會湘水自右蒸水自左俱至亭下合為一江而
東有感而賦韓文公所謂淥淨不可唾者即此處今
有淥淨閣

石鼓鬱嵯峩截然踞滄洲有如古盟主勤王會諸侯
蒸湘伯叔國稟命會葵丘敢不承載書戮力朝宗周
混為同軌去駿奔不敢留宜哉百谷王博大無與儔
羶毳昔亂華車馬隔中州未聞齊晉勲包茅費誅求
威文亦闕規尚取童子羞安知千載後但泣新亭囚
我題石鼓詩願言續春秋

沈家店道傍棣棠花

乍晴芳草競懷新。誰種幽花隔路塵。綠地縷金羅結帶。為誰開放可憐春。

砭陽口路。麤惡積雨餘。寧難行。

平生春夢境。俛仰撫八極。湖南天盡頭。夢亦未嘗識。豈知多病身。今乃着脚歷。山泉澄不清。崖土墜而赤。坳堂清勝油。累塊硬逾石。貪夫一回顧。壯士三歎息。不知清淑氣。果復曾鬱積。我豈鄙夷之。短詠聊一劇。

馬鞍驛飯罷縱步

食飽勸興馬散策。步前岡。意行踏芳草。蕭艾菊生香。

春事甚寂寥。山挑帶松篁。游蜂入菜花。此豈堪蜜房。今年蚕出遲。柘葉分寸長。好晴纔數日。歲事未渠央。

黃巖嶺

薄官每違已。茲行遂登危。峻阪湯盪胃。立恍若對鏡。窺傳呼半空響。濛濛上煙霏。木末見前驅。可望不可追。隋樊手百千盤。有頃身及之。白雲叵攬擷。但覺沾人衣。高木傲燒痕。葱蘢茁新萸。春禽斷不到。惟有蜀魄啼。

用三志新

謂非人所窺。居然見耜犁。山農如木客。上下翺以飛。寧知有康莊。在生死安嶮。巖室屋了無處。恐尚槽巢棲。安得技汝出。王路方清夷。

衡永之間山路艱澁薄晚吏卒関云漸近
柘陽路已平夷皆有津津之色

祁

朝登赤土嶺暮入黃泥谷春江弄花月歸夢恍在目
覺來行路難杜宇叫高木凹中泥没踝凸處石齧足
坐裏我尚病想見肩輿僕衡陽復祁陽可暫不可宿
晚來出前岡路坦亭堠促將士走相賀喜色如膏沐
人生本無悶逆境要先熟不從憂患來安識平為福
夷塗不常遇歷險始知足

見道
云

書浯溪中興碑後 并叙

乾道癸巳春三月余自西掖出守桂林九日渡湘

江游浯溪摩挲字中興石刻洎唐元和至今游客所題
竊謂四詩各有定體頌者美盛德之形容以其成功
告於神明者也商周魯之遺篇可以槩見今元子乃
以魯史筆法婉辭含譏蓋之而章而後來詞人復發
明呈露之則夫磨崖之碑乃一罪案何頌之有竊以
為未安題五十六字刻之石傍與來者共商略之此
詩之出必有相詬病者謂不合題破次山碑此亦習
俗習因陋能越拘孿之見耶余義正詞直不暇卹也
三頌遺音知者希丰容寧有刺譏辭絕憐元子春秋
法却寓唐家清廟詩歌詠當諧琴搏拊策書自管壁

以此責次山
似亦與碑以
會

糾摭之中妙
仍舍苦而惜後
四語者不稱

純嶺疵紛、健筆剛題破從此磨崖不是碑

愚溪在零陵城對岸渡江即至溪甚狹一石澗耳蓋眾山之水流出湘中

一水彎環羅帶闊千古零陵擅風月取名如許安得遇因病成妍却奇絕至今鏡淨不可唾猶恐先生遺翰墨澤及溪流不庇身付與後來商巧拙我欲扁舟窮石澗春漲未生寒瀨咽紛紅駭綠四山空惟有風篁韻騷屑清溪東去客西征鈿鋸潭邊聊駐節何時隨汝下瀟湘歸路三千擄伊軋

鈿鋸潭潭形似之

宿清湘城外田家

驅馬力猶彊奏床身始疲浮浮雲拂帳滴滴水鳴籬未熟燈前夢閑尋道上詩湘中多夜雨客枕最先知宿深溪驛去廣右界只一程

北戶書頻到南雲鴈不飛試評騎馬路何似釣魚磯擊拏黃茅店篝燈白竹扉故園桑柘暖亦有稻梁肥

石湖居士文集卷第十四



石湖居士文集卷十五

詩

衡岳寺僧刺血法華經贊



佛手真法身
晃耀紫金色
散滿十方界
聚為七袞書
七袞徧河沙
震誦說妙法
非聚亦非散
是則法眼觀

晚春二首

靜極聞檐珮
瓊幄來愛枕
幃隙虹飛永
畫簾碎斜暉
燕踏花枝語
蜂繁柳絮歸
輕衫宜白紵
時節近清微
好事憐春老
無愁耐日長
爐烟驚扇影
酒面舞花光
照水雲容懶
移林竹意紅
蓮蕊花涼更
煩紅槿帽
促拍打山香

紅苴蔻花

綠葉蕉心展
紅苞竹籜披
貫珠垂寶珞
翡翠綵倒鸞
枝且入花欄
品休論藥裏
宜南方草木
狀為滴首題詩

偶題

簷雨初乾團扇風夕陽芳樹綠葱葱蕉心榴萼俱無
賴要與春衫相並紅

次韻郭季勇機宜雪觀席上留別

勝絕尊前萬事休縱非吾土且登樓山迎雨脚俄飛
過風約江聲欲倒流野水漸堪添酒面夕陽依舊日滿
簾鉤憑欄從此遲歸鞅能及中秋對月不

次韻許季韶通判雪觀席上

把酒臨風瑞露傾瓊漿何用謁雲英捲簾雨脚銀絲
掛倚杖江頭綠漲生嶺海一涼蘇暑病山林千籟試

秋聲茲遊奇絕忘羈宦慚愧煙中短棹橫

送周直夫教授歸永嘉

青燈相對話儒酸老去羈遊自鮮歡昨夜榕溪三寸
雨今朝挂嶺十分寒知心海內向來少解手天涯良
獨難一笑不須論聚散少焉吾亦跨歸鞍

贈趙廉州

馬群雜沓草蒙茸刮目權奇一洗空天末也煩行李
到歲寒聊得酒尊同梅花夜夜湘南雨榕葉年年海
北風少待佳晴看山去玉簪高插翠雲叢

去年過弋陽訪趙恂道通判話西湖舊遊

因題小詩近忽刻石寄來謾錄

紅塵寶馬碧湖舡一夢如今費十年却照清溪尋綠
鬢但餘衰雪兩蕭然

送唐彦博宰安豐兼寄呈淮西帥趙渭師

郎中

唐子皦自鮮水清石鄰鄰繡腸五車書不鄙簿領塵
黥山與桂嶺一笑二十春天涯會面難歲晚情話真
五管無賢侯但有嵐煙昏此豈功名場往成清淮濱
北門詩書帥平生吾故人問訊今何如凌煙上星辰
為言落南客病作寒將虫呻飄飄北歸夢夜繞吳松雲

燕堂後盧橘一株冬前先開極香

盧橘花殘細細飛滿枝晴日開蜂兒霜餘有此香無
柰合與稱題賦小詩

乾道癸巳臘後二日桂林大雪尺餘郡人
云前此未省見也郭季勇機宜賦古風為

賀次其韻

憶昔北征秋遇雪穹廬苦寒不堪說飛花如席時燕
然把酒悲歌度佳節胡兒館客類西河鏞戶不容蜂
蟻泄當時已分飡擅享寧復夢遊炎嶺熱忽逐梅花
行萬里又與故山輕話別天公恐我愁瘴霧十日號

風吹石裂同雲乃肯度嚴關一夜玉峰高截薛老搭
翁密最先編穉竹枵虛時一折須知桂海接蓬瀛滿
目三山白銀闕不管樓高翠袖單但嫌酒淺金杯凸
東郭先生履雖敝詩情却闢冰壺潔歸撚凍髭搜好
句山館青燈對明滅為憐叶氣到黃茅何止森森松
栢悅豐年作守會飽煖羈官思歸自愁絕豈無菊徑
樂琴書亦有秫田供麴蘖東園雪後一犁春誰在陂
頭憶周燮

次韻陳仲思經屬西峰觀雪

仙人灑江遊剪水馮夷宮賓友來鄒枚寒纒搖冬瓏

起望天南陸玉沙滿長風越人未省識把酒酌層空
從來嶠南北人謂將無同那知梁園霰飛入瑞露中
莫府有清士尋僧上西峰六花信娟巧未及五字工
我亦滌冰硯課虛責新功莫嗤兩矐儒毫端尚清豐
○喜雪示桂人
臘雪同雲嶺外稀南人北客盡冬衣從今杜老詩猶
信梅片飛時雪也飛

寄題商華叔心遠堂用卷中韻

示我新詩卷知君避俗情安流視巫峽灰劫笑昆明
微外夜絃語甕瓦頭春蟻生藍橋即仙窟何況有雲英

送郭季勇同年歸衡山

天壤郭有道文獻今在茲
啄啄家雞群見子野鶴姿
塵籠萬里心擇食中夜飢
拙宦避捷徑瘴風吹鬢絲
平生杏園友把酒天南陲
何敢吏朱浮但喜見紫芝
問君今何適舊圃餘荒畦
提携漢陰壑歲晚俱忘機
勿開衡山雲恐驚隱淪
棲定肯從君遊歲晚攀桂枝
我亦理吳榜春湘棹蘋齊風蒲為誰落之子同襟期
丁寧祝融峰將迎兩枯藜
一望五千里共洗蠻煙悲

甲午歲朝寓桂林記去年是日泊桐江謁嚴子陵祠迤邐度嶺感懷賦詩

去年曉纜解江臯也把屠蘇泛濁醪
一席飽風渙浦聞干山封雪釣臺高
將軍老矣孤鳴劍客子歸哉詠
大刀早晚扁舟尋舊路拖樓吹笛破雲濤

癸水亭落成示坐客長老之記曰癸水遶
東城永不見刀兵余作亭於水上其詳具

記中

天將福地葦嚴城形勝山川表裏明
舊說桂林無瘴氣今知灑水辟刀兵
雲深銅柱邊聲樂月冷珠池海面
平願挽江流接河漢為君直北洗撓槍

緩帶軒獨坐

午日烘開萱蕊苞，簷塵飛動雀爭巢。蒙蒙困眼無安處，閑送爐煙到竹梢。

食罷書字

甲子霖沍雨東南，濕蟄風勞枝梅子綠。萱蕊杏花紅，捫腹蠶茶快扶頭。老酒中荒隅，經歲客土俗漸相通。

蠶茶出脩仁大治頭風老酒數年酒南人珍之

次韻平江韓子師侍郎見寄三首

自古四愁湘水深，誰將城郭啓山林。有情碧嶂團藥，繞無數朱樓縹渺臨。蚌鼓揭天驚客坐，象豸航海厭蠻琛。三千客路長安遠，故舊書來直萬金。

南人以蚌蛇皮作腰鼓響

徹異常交趾以象章為堯豎皆異事

靈泉杖屨浙江頭，經濟長懷尚典州。堂上讀書朝氣爽，臺前呼月海光浮。交情尺素勤雙鯉，筆刀枯松挽萬牛。已把三章翻樂府，為君擊節變蠻謳。

子師新作小築於浙江號

靈泉讀書堂呼月臺皆其處也

前年衡雪過雙溪，風帽泥韉騎吹隨。爛醉依前逢錦瑟，好音惟是欠黃鸝。功名未試玉璜玦，離別頻傾金屈卮。疇昔北征煩吉夢，南征合有夢歸時。

頃年北征時朝野多妄傳

被留不歸子師家中人忽夢余歸翌日過界報到故末句及之鶯鶯子師家善歌者前年過婺券端已去

宜齋雨中

秀交一番冷送梅三日霖綠肥新荔子紅浥舊蕉心
映竹千絲舞垂簷一線斟終朝盤膝坐早濕恐相侵
次韻許季韶通判水鄉席上

青山綠浦竹間明
鬢若溪好處行解愠風來如故
舊催詩雨作要將迎
休兵幕府烏鳶樂熟稻邊城鼓
笛聲模寫箇中須
練筆句成仍挾水雲清

水鄉酌別但能之主管能之將過石康

南郭河橋市井喧
綠荷香處有江天
一簾梅雨鑪煙外
三疊陽關燭淚前
馬耳西風君並海
舡頭北渚我歸田
後期直恐參商似
且醉金槽四十絃

六月十五日夜汎西湖風月温麗

暮機金龜潭追隨
今夕涼波紋挾月影
搖蕩舞舡窻
夜久四山高松挂黯
以蒼長煙界巖腹
浮空餘劍鏗
掉夫三弄笛跳魚翻
素光我亦醉夢驚
解纓濯滄浪
多情笑染風嫋嫋
吹鬢霜會心有奇賞
天涯此何方
清潤不立塵空明
滿生香過清難久
留俛仰墮渺茫

燕堂書事

歲稔齋鈴闋年深屋
既墜權狸爭雷瓦
過蟄化雨窻來
盡日風常藉無時地
不梅耳邊情話少
笑口若為開

酒邊二絕

團扇香中扇扇風
斷腸聲裏看
着紅不須過處催乾
盞聽徹歌頭盞自空

日長繡倦酒紅潮
閑東羅巾理六么
新樣築毬花十
八丁寧小玉慢吹簫

枕上作

繞枕蚊相聒
翻缸鼠自忙
早衰秋夢亂
不寐曉更長
賦擬騷人屈
吟成病客莊
安心無可覓
隨處且為鄉

思歸再用枕上韻

老覺觸事懶
病添歸計忙
行年心已化
疇昔意空長
五柳粟里宅
百花錦城莊
何時去檢校
一棹水雲鄉

李正之提點行至柳用余忙字韻寄和答

天涯逢我病
秋晚送君忙
感槩交情厚
留連別恨長
賓筵猶雪觀
客路已雲莊
搖落柳江路
應須憶醉鄉

曉出北郊

偏仄深巷中
蔥籠綠陰交
山家不蚤起
閉戶如藏逃
濃露蛻蟬咽
小風飢燕高
新渠塵涓流
壞陂方怒號
遐疇病瘠土
不肯昏作勞
滅裂復滅裂
晚秧如牛毛
空餘朝氣白
浮浮濕弓刀
官稱勸農使
臨風首頻搔

甘雨應祈三絕

晚稻成苞未肯肥
鷓鴣啼曉雨來時
黃紬被冷初眠

其實山田不
耐此明非情
曹減裂也余
行豈蜀山中
如如

覺先向芭蕉葉上知

數日雖蒙霽氣霽絕塵終恨太廉纖今朝健起心磨看恰似廬山看水簾

高田一雨免飛埃上水網舡亦可催說與東江津吏道打量今晚漲痕來

與鄭少齋趙養民二使者訪古訾家洲歸

憇松關二君欲助力興廢戲書此付長老

善良以當疏頭

飄飄竹雨潤輕裘嫋嫋松風繫小舟安得從容興廢手越人重上訾家洲

淳熙甲午桂林鹿鳴燕輒賦小詩少見勸

駕之意

維南吾國最多儒聳看招招赴隴書竹實秋風辭穴

鳳桃花春浪脫淵魚月宮移種新栽桂江水朝宗舊

鑿渠况有狀頭坊并在明年應表第三閭郡人曹鄴及第詩云移到我

月宮水得種為君移向故園栽今歲用故事植桂正夏進德二堂之下又復朝宗古渠以應文章應舉之識趙觀文王世則亦群人皆魁天下故詩中悉及之

逍遙樓席上贈張邦達教授張癸未省闈

門生也同年進士俱會樓上者七人

疇昔金門看選賢一星終矣半英躔誰憐蠻府清池

句不著南山捷徑鞭作者七人茅瘴地爾霜九月菊
殘天浮生聚散如風雨同倚東樓豈偶然

○ ○ 盡上李友直為余作冰天挂海二圖冰天
盡使北虜渡黃河特挂海盡遊佛子巖道

中也戲題

許國無功浪着鞭天教飽識漢山川酒邊蠻舞花低
帽夢裏胡笳雪沒鞵收拾桑榆身老矣追隨萍梗意
茫然明朝重上歸田奏更放岷江萬里舡

耳鳴戲題

歷歷從何起泠泠與耳謀人言衰相現我以妄心求

遠磬山房夜寒蛸隴樹秋圓通無別法但自此根脩

復作耳鳴二首

至音起寂透希夷珍重幽田為發揮妙用何關新卷
葉圓通自有倒聞機夢中鼓響生千偈覺後春聲失
百非寄語爵陰吞賊道玉床安穩坐朱衣

東極空歌下始青西方寶網秦韶英不須路入兜元
國自有音聞窗^寶棧城牛蟻知誰床下聞雞蠅任向夢寶
中鳴如今却笑難陀種無耳何勞強聽聲

碧虛席上得趙養民運使寄詩約今晚可
歸次韻送之

偶携尊酒上孱顏
忽憶行人瘴霧間
便好來分蒼石
坐已教不鎖翠雲關

寒夜

萬象間無語一蛩吟
獨詳肅肅月浸樹
滿庭穠李花
風從月中來吹我兩鬢
華北斗聲回環
南斗亦橫斜
斜
人生幾良夜吾行久
天涯離居隔江漢
何由寄疏曆

甲午除夜猶在桂林念致一弟使虜今勢

當宿燕山會同館兄弟南北萬里感慢成

悵

把酒新年一笑非
鵲鴿原上巧相違
墨濃雲瘴我猶

住席大雪花君未歸
萬里關山燈自照
五更風雨夢

如離南北人誰免
似此別離人亦稀

乙未元日用前韻書懷今年五十矣

浮生四十九俱非
樓上行藏與願違
縱有百年今過
半別無三策但當歸
定中久已安心竟
飽外何須食
肉飛若使一丘并
一壑還鄉曲調儘
依稀

儘乃俗字

再用前韻

時被命帥蜀

休論今昨物惣皆非
世味誠甘與我違
蜀道雖如履平地
杜鵑終勸不如歸
三冬自苦坐毛穎
一夢微官陪
鬢飛夜久南枝翻
倦鵲茫茫月白
衆星稀

與同寮遊栖霞洞極深遠中有數路相傳
有通九疑者燭將盡乃還飲碧虛上陳仲
思用二華君韻賦詩即席和之

竹杖芒屨俗網疎每逢絕境更踟躕但隨歧路東西
去莫許光陰大小餘髣髴桃源猶舞鳳辛勤李白謾
騎魚今朝真作遊仙夢不似騷人賦子虛

施元光在崑山病中遠寄長句次韻答之
四海飄蓬客舍邊幾多雲水與風煙絕無旅力驅長
轡空有孤忠誓大川參井忽垂征馬上斗牛應掛故
山前親交情語知何許詩到天涯喜欲顛

次韻趙養民碧虛坐上

已將山色染眉黛更挽江波添酒壘珍重江山勸人
醉笑人騎馬惺惺迴

贛州明府楊同年挽歌詞二首

拱壁溫無額深蘭遠自芳清班孤玉筍薄宦老銅章
傳業麒麟子承家鴻鴈行門闌自簪笏吾獨憾堂堂
憶昔龍門化曾容鴈塔陪逡巡九閨過迢遞一書來
未報錯刀贈驚傳丹旆迴辰陽隔江渚空些楚詞哀

石湖居士文集卷第十六

詩

初發桂林有出嶺之喜但病餘便覺登頓
至靈川疲甚自歎羸軀乃無一可偶陸融
州有使來書此寄之

桂林獨宜人無瘴古所傳北客守炎官恃此以泰然
堂高愜宴坐訟簡容佳眠不計身落南璿柄三回天
今朝遂出嶺歡呼繫行纏且免脫豐草池魚躍清淵
那知多病身久靜翻懷安長風蕩籃輿簾箔飄以翻
靈泉路吃蹶僕夫告頽肩我亦頭岑岑中若磨蟻旋

走投破驛宿強飯不下咽茲事未渠央萬里蜀道難
十年故倦游况乃成華顛蒼老當作繭不繭夫何言

甘棠驛

萬里三年醉嶺梅東風刮地馬頭迴心勞政拙無遺
愛。慚向甘棠驛裏來。

靈泉驛

驛後有龍惠泉

泉螭無語笑經過欵拊惇鯨奈拙何孤奉明恩雖出
嶺歡顏終少汗顏多

嚴關

或謂之炎關桂人守險處朔雪多不入關
關內外風氣迥殊人以為南北之限也

回看瘴嶺已無憂尚有嚴關限北州裹飯長歌關外

去車如飛電馬如流

施進之追路出嚴關且寫予真戲題其上
喚渡牂柯瘴水濱嚴關關外又逢春神仙富貴俱何
在且作全家出嶺人

興安乳洞有上中下三巖妙絕南州率同
僚餞別者二十一人遊之

山水敦夙好煙霞痼竒懷嚮聞乳洞勝出嶺更徘徊
雪林縞萬李東風知我來華裾繡高原故人紛後陪
繫馬玉溪橋嵌根豁崖嵬蕩蕩碧瑤宮冰泉漱墻隈
芝田漑石液深畦龍所開句我一掬慳類此炎州埃

仍呼輪袍舞醉倒瑞露杯但恐驚山靈罾鼓轟春雷
薪翁雜餉婦圍視歡以咍茲巖殿何時鑿閱世幾劫灰
始有此客狂後會真悠哉南游冠平生已去首猶回
歲月可無紀三洞俱磨崖會有好事者摩沙手讀蒼苔

鐔觚 在興安縣五里所秦史祿所作也迎海陽水壘石為壇前銳如鐔衝水分南北下為湘灘二江

功用奇偉予交代李德遠嘗修之

今興安縣海陽山即古海陽山也湘灘二水皆發源於此

導江自海陽至縣迺瀾迤狂瀾既奔傾中流遇鐔觚
分為兩道開南灘北湘水至今舟楫利楚粵徑萬里
人謀效天造史祿所經始無謂秦無人虎鼠用否耳
紫藤纏老蒼白石溜清泚是聞可作社牲酒百世祀

脩廢者誰與配以臨川李

大通界首驛

愚悃無華敢自欺寸誠珍重吏民知東風重倚庭前
樹送別人情似到時

陳仲思陳席珍李靜翁周直夫鄭夢授追
路過大通相送至羅江分袂留詩為別

相送不忍別更行一程路情知不可留猶勝輕別去
二陳拱連壁僊李瑚璉具周子雋門技俗鄭子秀風度
嗟我與五君曩如栖鳥聚偶投一林宿漂搖共風雨
明發各飛散後會渺何處栖鳥固無情我輩豈漫與

班荆一炊頃聽此昆弟語把酒不能觴有淚若兒女
脩程各著鞭慷慨中夜舞功名在公等癯儒老農圃
外他年空有四愁詩

懷桂林所思亭

羅江

嶺北初程分外貪驚心猶自怯晴嵐如何花木湘江
上也有黃茅似嶺南

初入湖湘懷南州諸官

今晨入湖南岡土絳以紫厥壤既殊異風氣當稱此

回思始安城舊籍贅楚尾實惟荊州隸零陵之南鄙
時雪度嚴關物色號清美儻以土宜觀尚非清湘比
何況引而南焦茅數千里嚮我作牧時客過不停軌
憧憧走官下既至輒咎悔書來無別語但說瘴鄉鬼
我今幸北轅又念衆君子懷哉千金軀博此五斗米
作詩諷方來南遊可以已車輪儻無角吾詩亦金柅

清湘縣郊外雜花盛開有懷石湖

午行清湘縣妍暖春事嘉柴荆開桃李冥冥一川花
故園豈少此愈此百倍加我寧不念歸顧作失木鷗
百年北窻凉安用天一涯君恩重喬嶽敢計征路賒

鄉心與官身鑿枓方聲牙摘袖走珍貢何如繫匏瓜
明當復露奏天日臨幽還儻許清江使曳尾還汙雅

珠塘木至清相
二十里

林茂鳥烏急坡長驢馱鳴坐與猶足痺負笈想肩頰
廢廟藤遮合危橋竹織成路傍行役苦隨處有柴荆

題湘山大施堂

山中祖師號無量
壽真身塔在焉

重倚春林淚竹枝南遊風物鬢成絲難尋桂海千峰
夢更^了湘山一段竒來去別無心外法行藏休問塔
中師若論大施門前事竿木逢場且賦詩

清湘驛送祝賀州南歸

海內交情兩斷金離歌倡和俱吳音桃花如雨暮春
酒竹箭有筠它日心萬里書來蜀道易四愁詩成湘
水深田園將蕪各蚤計一棹五湖能見尋

清湘驛送王柳州南歸二絕

南歸北去路茫茫不是行人也斷腸可惜湘江春夜
月落花時節照離觴

我已暮程無脚力君猶進路有襟期從今月下共花
下誰復醉吟先和詩

七里店口占

分首暮江寒徘徊立馬看尋常相見易倍覺別離難

全守支耀卿飲餞七里倅揚仲宣復携具
至深溪酌別且乞余書走筆作此兼寄耀
卿

店舍煙火寒塵沙亭候遠媽紅糝芸綠春事亦已晚
年芳去踈踈江水來袞袞故人瀟湘逢留落一笑莞
已張七里飲更出深溪餞草間艷紅粉竹裏趣厨傳
故意如許長由來共鄉縣愧我不能觴負此離歌嘯
別愁滿天末不醉何由遣却憶支使君風前白波捲
深溪鋪中二絕追路寄呈元將仲顯二使
君

賀州歸去柳州還分路千山與萬山把酒故人都別
盡今朝真箇出陽關
祇有南風捲路塵斷無南客送車輪故人合在瀟湘
見却向瀟湘別故人

戲題愚溪

碧湍漱白石汙汙復湯湯既為人所愚安用爾許忙
我昔曾經過重來已三霜無事踈雙足奔走寧非狂
溪流到江平翻笑容路長豈不有歲晚乞身還故鄉

初汎瀟湘

六漿齊飛急下灘碧石琉璃上雪花翻越來溪色清如

此只欠磯頭一釣竿。

湘口夜泊南去零陵十里矣營水來自營道過遙零陵下湘水自桂林之海陽至世與營會合為一江

我從清湘發源來直送湘流入營水故人亭前合江處暮夜檣竿矗沙尾却從湘口望湘南城郭山川恍難紀萬壑千巖詩不徧惟有蒼苔痕屐齒三年瘴霧亦竒絕浮世登臨如此幾湖南山色夾江來無復瑤簑插天起坡陀很石蹲清漲澹蕩光風浮白芷騷人魂散若為招傷心極目春千里我亦江南轉蓬客白

鳥愁煙思故壘遠遊雖好不如歸一聲鷓鴣花如洗

南臺瑞應閣用壁間張安國韻

衝雨上山頭臨雲看山脚松間一彈指開此寶樓閣草鞋方費錢拂子不暇握小偈出雷音千古驚猿鶴

湘潭

暮雨檣竿懸一灣長官立馬水雲間風吹江沫浮浮去誰在沙頭閉戶閑

泊長沙楚秀亭

雨從湘西來波動南楚門不知春漲高但逢江水渾舟行風打頭陸行泥沒鞍且登裴公堂半日心眼寬

題嶽麓道鄉臺

山外江水黃。江外滿城綠。城外杳無際。天低到平陸。
長煙貫楚尾。遠勢帶吳蜀。故園東北望。遊子攔千曲。

寄題潭師王樞使佚老堂

孺子滄浪濯纓處。手載新堂來。上隣潦收無波徹。底
靜東湖之水堂。中人濛陽花譜勝。洛下竹西藥欄來。
海瀕新篁綠。沉桂丹渥嶽立竒。石蒼苔皴賞心滿。眼
伴閉戶天風夜。下扶車輪。曾中種蠶妙。經濟鬚鬚自
雪。朱顏春蒼生未佚身。未老斯堂未可忘。斯民四年
西略可萬世。孤撐獨立扛千鈞。疋馬幡幡恃天日。危

言岌岌愁鬼神。浮生蚤休信不惡。持此欲去非吾聞。
客遊瀟湘逢騎吹。知公已為蒼生起。公今少勞佚者

多。湛輩乃可寒江蓑。

王公自言堂去東湖顯步新得彭州
牡丹揚州芍藥丹桂貓頭竹并徐氏

五怪石
列堂下

湘陰橋口市別游子明

馬首欲東舟欲西。洞庭橋口暮寒時。三年再別子輕
去。萬里獨行吾蚤衰。遙憶美人湘水夢。側身西望劍
門詩。老來不灑離亭淚。今日天涯老淚垂。

竈渚

白魚出水卧銀刀。紫筍堆盤脫錦袍。捫腹將軍猶未

快掉舡西岸摘萋蒿

大波林

湖路荒寒又險艱大千空水我居間
篙師晚始分南北指點青青漢口山

連日風作洞庭不可渡出赤沙湖

金沙堆前風未平赤沙湖邊波不驚
客行但逐安穩去三十六灣漲痕生
滄洲寒食春亦到荻芽深碧萋
芽青汨羅水飽動荊渚嶽麓雨來昏
洞庭大荒無依飛鳥絕天地惟有孤舟
行慨慷悲歌續楚些彷彿幽
瑟迎湘靈黃昏慘淡棧極浦雖有漁舍
無人聲冬湖

落落此暫住春潦怒長隨傭耕吾生一葉寄萬木况復搖落浮滄溟漁壑尚自有常處羈官方汝尤飄零

寄題瀨江亭

陳季陵瀨州書云新作北亭泉使李正之題其榜要子詩

一水之會新作亭主人文章子墨卿我記斯亭且不朽
十載當與文俱鳴題榜誰與漢使者風流好事飾儒雅
一生兩君吾故人安得繫馬亭階下鼓旗西征上奔瀧
所思不見心難降瞿塘縱有文鱗雙愛莫致之章貢江

浯溪道中

江流去不定山石來無窮步步有勝處水清石玲瓏
安得扁舟繫絕壁卧聽漁童吹短笛弄水看山到月

明過盡行人不相識

夜泊灣洲大風雨未至衡州一百二十里
阿香攪客眠夜半驅疾雷空水受奇響如從舡底來
嘈嘈雨窗開軋軋風拖開睡魔走辟易耳界愁喧逐
有頃飄驟過灘聲獨鳴哀燈婢燭囊衣篙師理檣桅
煩擾到明發村鷄亦喑喑

泊衡州

客裏仍哦對雨吟夜來星月曉還陰空江十日無春
事舡到衡陽柳色深

步入衡山

應有人家住隔溪綠陰亭午但聞雞松根當路龍筋
瘦竹筍漫山鳳尾濟墨染深雲猶似瘴縈來小雨不
成泥更無騎吹喧相逐散誕閑身信馬蹄

重遊南嶽

贊道君玉符玉印及八角玉印經方

四寸許文曰注生真君玉印雨中登山遊南臺福

嚴至瑞應擲鉢天柱諸峯之上寒甚病衰不至上

捨舟得馬如馭氣步入青松三十里我從蠻嶺瘴煙
來不怕雨雲埋嶽趾憶昔南征欵廟庭往來無恙神
所社當時已有歸田願帝臨此心如白水煌煌南正
館於東手握八觚温玉璽駿奔瀟霍左右輔好生不

殺扶炎紀崇禋竣事曉壇空躋攀小試青鞵底不知
雲磴幾千丈但見漫山白龍尾石頭招我上南臺瑞
應欄干天半倚福嚴鐘聲過橋來髣髴三生如夢裏
堂中尊者已先去苔鎖巖扉何日啓竹嫌磽确老逾
瘦松畏高寒蠟不起癯儒尚病怕深登幽討未窮行
且止我評七十二高峯鬱律穹窿少觀美儼然可瞻
不可玩徃徃雄尊如負屨乃知嶽鎮蓋深厚不與它
山爭秀偉區區獻狀眩兒童乳洞淡巖真戲耳

四明人董暉久居寂市乞詩

祝融峯下兩逢春雨宿風飡老病身莫笑五湖萍梗

客海邊亦有未歸人

三月十五日華容湖尾看月出

雲銷灃陽風月生岳陽水誰推赤金盤湧出白銀地
徘徊忽騰上蹠蹠恐顛墜稍高輪漸安飛彩到蓬背
晶晶浪皆舞屬屬星欲避堦堦羅世界網普現無邊際
官居東戶庭有眼如幻翳向非行大荒寧有此巨麗
乘隙較得失漂泊非左計妻孥競驩譁渠亦知
許事

釣池口阻風迷失港道

回風打舡失西東拖癡擄弱無適從三老號呼鐵纜

詩境之佳：
在力洗庸熟
殊不易到

墜招頭。槌鼓驅魚龍。千篙撐折百丈節。日暮稍與洪
相通。推移尋尺力千里。時有黃帽來言功。康莊大達
世不乏。乃獨蹇產濤波中。一官橫起險易。湘利那憂
喜。隨兒童。漲湖連天遠。目斷且復加飯。追萍蓬。團滿
生暖。看香篆。作止任滅。如頑空。

鼎河口枕上作

漂泊離巢燕。彎跼負殼蝸。瘦嫌莞席硬。老覺畫屏奢。
報道帆當落。傳呼鼓已過。且投人處宿。未到已聞墓。

安鄉縣西晚泊

水闊鳥烏倦。墟寒僮僕飢。一灣村縣過。百折暮江遲。

衰年病骨
戊陰晴佳
秀如此脫化特
笑出藍

曉夢孤燈見春陰。病骨知簡書寧不畏。旅力奈先疲。

澧陽江

順流下沅江。沂流上澧浦。水深蘭芷寒。漂搖憚風雨。
采采不盈箱。何由寄遠渚。洞庭浮天白。遐矚莽吳楚。
有懷獨晤歎。擗聲與人語。暮夜即維舟。蒼茫定何許。

豐浦

葦岸齊齊似碧城。江舡蜚岸逆風行。菜蘋白芷俱憔悴。
惟有萋蒿滿意生。

澧江漁舍

安鄉澧陽之間自兵
大復廢殘猶未復

狡窟空來四十年。松江猶自少炊煙。茫茫曠土無人

問蘆荻春深綠滿川

○孫黃渡自此登陸
安渡江過沙頭

捨舟從陸更間關徑仄仍荒亦未乾棘刺近人牢閉
眼泥塗兀馬緊扶鞍茶山盜數路程惡麥隴人家懷
抱寬擔僕輿夫盡劬瘁病翁那得更加餐

潺陵

舟橫攸河水馬滑潺陵道百里無鉏犁閑田生春草
春草亦已瘦栖栖晚花少落日見行人愁煙沒孤鳥
老翁雪鬢鬢生長識羣盜歸來四十年墟里跡如掃
莫訝土毛稀須知人力搗生聚何當復茲事恐終老

人言古戰場瘡痍碎難瘳誰使至此極天乎吾請禱

將至公安

前村後村啼杜宇伴人憂煎與人語雲寒日薄春一
夢地闊天低淚如雨我馬馳墮我僕痛豈不懷歸畏
簡書公安縣前酒可沽不如且聽提葫蘆

公安渡江

食罷雨方作起行泥已深畔愁多楚些吟病獨吳音
莫怨馬蹄滑須愁螿事侵梅黃時節是未可決晴陰

荆渚堤上

原田何萋萋野水亂平楚大隄少人行誰與藝稷黍

獨木且百歲，骯髒立水滸。當年識兵燼，見赦幾樵斧。
摩挲欲問訊，恨汝不能語。薄暮有底忙，沙頭聽鳴榔。
渚宮野步題芳草

草色沐新雨，綠潤如得意。披拂故生煙，冉冉着巾袂。
天涯各芳春，秦吳千萬里。故人攀桂枝，今夕念游子。

發荊州自此登舟至夷陵

初上蓬籠竹竿舫，始知身是劍南官。沙頭沽酒市樓
暖，徑步買薪江墅寒。自古秦吳稱絕國，于今歸峽有
名灘。千山萬水垂垂老，只欠天西蜀道難。

虎牙灘又名金門，十倍屬夷陵

傾崖溜雨色慘淡，水墨畫亭茅碎花。懸魂木老藤掛
翠，莽楚甸窮黃流蜀。江下一灘今始嘗，三峽此其亞。
雨點鼓士，撥雲騰挽夫。跨驚心度石林，破眼見村舍。
牛眠草色裏，犬吠竹林鐸。步頭可樣舫，安穩睡殘夜。

峽州至喜亭

斷崖卧水口，蓮崗抱城樓。下有吳蜀客，檣竿立滄州。
雨後漲江急，黃濁如潮溝。時見出峽舫，鑼鼓譟中流。
適從稠灘來，白狗連黃牛。渦瀆大如屋，九死爭舫頭。
人鮮尚脫兔，虎牙不須憂。

初入峽山效孟東野自此登陸至秭歸

峽山偪而峻峽泉湍以碻峽草如氈毛峽樹多樛枝
峽禽惟杜鵑血吻日夜啼峽馬類黃狗不能長鳴嘶
峽曉虎跡多峽暮人跡稀峽路如登天猿鶴不敢梯
僕夫負嶠哭我亦呻吟悲悲吟不成章聊屬峽哀詩

土門

汙泥洎峻阪狼石卧中路睥睨無敢前趨趨屢却顧
長繩引籃輿前輓後推去吏士更叫號作氣欲飛度
顛墜較分寸商略管躡步須臾氣亦竭一一汗如雨

桃花鋪

老巖漫山鳳尾張青楓直幹如攢槍山深嵐重鼻酸

楚石惡淖深神慘傷陰崖風生吹客急草中枯株似
人立朕晡卓幕先下程將士黃昏始相及

覆盆嶺

三登三降崗始斷一步一休日欲斜濁酒半瓶不得
暖覆盆有鋪無漿家

小望州

峯頭高絕鄰四瞰若窺井小山萬蟻控大山拊其項
叢霄一握近對風振衣冷似聞天人語笑我雪垂領
曩侍玉案香委珮木清境獨下赤城戲俯仰一枰頃
豈其厭晨華噴此腥腐鼎揮手謝天人伶俜愧孤影

來償繭足債尚欠界天嶺老矣且勸遊歸期行可請

大望州

望州山頭天四低東瞰夷陵西梯歸峽江微茫細如
帶江外千峯青打圍黃牛廟磯石如劈相看驚湍虎
鬚白水行陸走俱險艱安得如鳥有羽翼

一百八盤

疇昔辭桂林自謂已出嶺蛇蟬蠻煙中恍若醉夢醒
今來峽山路步步躡雲頂仍聞蚯蚓瘴願與嶠南等
平生行路難驚浪兀漂梗迷塗滋益遠鳥道非人境
老矣法當伏懷哉跡可屏拜手天東南亟上歸田請

火墨坡下嶺

清晨入岑蔚嵐重寒颼颼忽聞黃鸝語方悟麥始秋
旅食法當瘦遠行人所愁况復深山中不與叶氣游
苦辛那敢憚病悴良可憂徒憂亦無益聊作啗聲謳

八揚平聞猿

清猿泠泠鳴玉簫三聲兩聲高樹梢子母聯拳傳枝
去忽作哀厲長鳴號天寒林深山石惡行人舉頭雙
淚閣雪澗琴心未足悲須寫峽中腸斷時

鑽天三里

非崗非嶺復非坡黃鷓不度吾經過妻孥下行啼且

笑聯手相携如踏歌風吹汗乾人力盡履齒與石方
相磨鑽天三里似千里四十八盤將奈何

蛇倒退

山前壁如削山後崖復斷鄉吾達隴首如海到彼岸
那知下嶺處慄甚履冰戰牽前帶相挽繼後不盡綻
健倒輒尋丈徐行塵分寸上疑緣竹竿下劇索金彈
豈惟蛇退舍飛鳥望崖反稍喜一徑平猶有千石亂
仍逢新燒畬約略似耕畔心知人境近聲末百憂散
山民茅數把鬼質犢子健要自鏡走迎客再拜復三歎
謂匪人所蹊官來定何幹儻爲飢火驅平地豈無餒餓

意者官事迫如馬就羈絆我乃不能答付以一笑粲

大了隘

峽行五程無聚落馬頭今日逢耕鑿麥苗踈瘦豆苗
稀椒葉尖新柘葉薄家家婦女布纏頭背負小兒領
垂瘤山深生理却不乏人有銀釵一雙插

石湖居士文集卷第十六

石湖居士文集卷第十七

詩

麻線堆

峽口驛前大山崛起舊路攀援而上縈紆如線十五年前十餘年前浮圖德寶始以澗伐木作新路不復登山余觀峽路皆未嘗經修感德寶之事作麻線堆詩一首以風變路使者及歸峽二州長吏

沈葉管能四君

雲木盪冒起鬱我一峯危上有路千折纏縷如縈絲

是為麻線堆厥險天下稀偪仄容半足顛墜寧復稽

騰猿尚愁苦游子將安之浮屠德寶者悲智緒等慈

隨山刊古木尋壑得長磯輿梁捷飛度布右綿階梯

日從新路改重趺無齋咨縣有孫少府琬琰刻文詞

勿云此事小。惟有行人知。况觀峽山路由來。火平治
官吏既弗跡。誰肯深長思。夫險固自若。當令略成蹊。
土工還畚鍤。石工操鑿椎。烈火敗礮礮。築沙填隙熾。
多用百夫力。遠無五旬期。但冀米鹽給。不煩金幣支。
非安敢竊議。道傍詢旄倪。身雖雪山成。亦願助毫釐。
工費嗟小哉。政須賢有司。東有管夷陵。西有葉柿歸。
上維沈隱侯。夔臺今吏師。下維熊繹孫。長材佐州麾。
豈吾金閨產。不如林下緇。懸知議克合。了此一段奇。
舟楫避潢潦。置郵疾飛馳。憧憧吳蜀客。來往當無時。
仍磨鑽天石。大書四賢詩。不佞願秉筆。遠繼峽口碑。

戲書麻線堆下

一身半世走奔波。疑是三生宿債多。折券已饒麻線
嶺。責償難免竹竿坡。

胡孫愁

傾崖當曾石齧足。失勢毛鷲搗幽谷。玉孫却走斷不
到。惟有哀猿如鬼哭。僕夫酸嘶訴途窮。我亦付命無
何中。悲風忽來木葉戰。落日虎嘯枯竹叢。

判命坡

鑽天嶺上已飛翬。判命坡前更駭聞。側足二分垂壞
磴。舉頭一握到孤雲。微生敢列千金子。後福猶幾萬

石君早晚北窓尋噩夢故應含笑老榆枌

千石嶺

晨光挂高嶺晴色媚遠客哀湍吼叢薄宿霧裊絕壁
露重薊花紫風來蓬背白迷塗扑渥跳飲澗於菟跡
層巔多折木迮磴有飛石不知山幾重杳杳入叢碧

九盤坡布水

莫惜縈迴上九盤洗心雙瀑雪花寒野翁酌水煎茶
獻自古人來到此難

荒口

十步九吃蹶百步半蹶跚豁然鳥道窮努力造其巔

謂是嶺頭了一峯復當前既無及願法仰望心茫然

四十八盤

詰曲不前如宦拙歌傾當面似交難若將世路比山
路世路更多千萬盤

紫荷車

峽山此藥甚多

綠英吐弱線翠葉抱脩莖轟轟如青旄節草中立亭亭
根有却老藥鱗皴友松苓長生不暇學聊冀病身輕

錦帶花

東南甚珍此花峽中漫生山谷

妍紅棠棣粧弱綠蓄薇枝小風一再來飄颻隨舞衣
吳下嫵芳檻峽中蒲荒陂佳人墮空谷皎皎白駒詩

入秭歸界

山根繫馬得漿家。窅入窮鄉事可嗟。蚯蚓崇人能作瘴。茱萸隨俗強煎茶。幽禽不見但聞語。野草無名都著花。窈窕崎嶇殊未艾。去程方始問三巴。

早發周平驛過清烈祠下

屈平祠也祠前有獨醒亭

物色近入境。喜歡嚴曉裝。山月雞犬聲。野風麻麥香。登嶺既開豁。入林更清涼。三呼獨醒士。儻肯釀我觴。

白狗峽

陸路亦自峽上過西岸有玉虛洞

江紋圓復破。樹色昏還明。連灘竹節稠。洶怒奔夷陵。石磯鐵色頑。相望如姦朋。踞岸意不佳。當流勢尤獍。

山回水若盡。但見青玲峩。慘慘疑鬼竄。幽幽無人聲。顛沛安危機。艱難古今情。俯窺得目眩。却立恐神驚。白雲冒巖扉。下維玉虛庭。神仙坐閱世。應笑行人行。

秭歸縣

周封楚子熊繹于此縣字宋玉宅東山清烈祠屈原宅也

永日貪程客。長年吊古詩。悲秋荒故宅。負石慘空祠。峻壁鷓鴣倦。高畬麥秀遲。窮山熊繹國。偏仄建邦時。

歸州竹枝歌二首

東隣男兒得相累。西舍女兒見生漢。妃城郭如村。莫相笑人家。伐閱似渠稀。

東岸艤船拋石門。西山炊煙連白雲。竹籬茅舍作晚

市青蓋黃旗稱使君

昭君臺 在興山界中鄉人憐昭君築臺望之
下有香溪然三峽女子十人九癯

天生尤物元無種。萬里巴村出青塚。高臺望思臺。已
荒。東風漲溪流水香。嬋娟鍾美空萬古。翻使鄉山多
醜女。灸眉作癩亦不須。人人有癭如瓠壺。

人鮮甕 在歸州郭下長石巖然据江三之二水盛
時潰淖極大號峽下最險處東岸即屈原

宅自此復登
舟至巫山

懷沙祠下鐵色磯。中流東湍張禍機。與齊俱入彼可
吊。乘流而行吾亦危。江河難犯一至此。天地好生安
取斯。朝歌勝母古尚諱。我其覆醢航秭歸。

與齊俱入
用莊子
似山谷

巴東峽口

水宿頻歎側徒行。又險艱舟危神女峽。馬瘦鬼門關。
照夜燒畬隴。緣雲種竹山。催成頭雪白。休說鬢絲班。

初入巫峽

鑽火巴東岸。撥金峽口舡。東江崖欲合。激石水多漩。
卓午三竿日。中間一罅天。偉哉神禹跡。疏鑿此山川。

將至巫山遇雨 數日快晴水落丈餘舟人方
以為喜雨作即水又長矣

峽行水落惟憂雨。通昔淋浪怨行旅。千山萬山生白
煙。陽臺那得雲如許。牋詞騰告翠帷僊。勻我一晴翻
手間。放開十二峯頭色。重賦碧叢高插天。

8 巫山高 并叙

余舊嘗用韓無咎韻題陳季陵巫山圖考宋玉賦意
辨高唐之事甚詳今過陽臺之下復賦樂府一首世
傳瑤姬為西王母女嘗佐禹治水廟中石刻在焉
濕雲不收煙雨霏峽舡作灘梢廟磯杜鵑無聲猿叫
斷惟有飢鴉迎客飛西真功高佐禹跡斧鑿鱗皴倚
天壁上有瑤簪十二尖下有黃湍三百尺蔓花蚪木
風煙昏蘼珮翠帷香火寒靈旂飄忽定何許特有行
人開廟門楚客詞章元是賦紛紛餘子空嘲弄玉色
頻顏不可干人間錯說高唐夢

有凶繫

刺瀆淖

瀆淖盤渦之大者峽江水壯則有之或大如一間屋
相傳水行峽底遇暗石則瀆起已而下旋為窩然亦
未嘗有定處或無故突然而作叵測也舟行遇之小
則欹傾大則與齋俱入險惡之名聞天下

峽江饒暗石水狀日千變不愁灘瀧來但畏瀆淖見
人言盤渦耳夷險頗有間仍於非特作未可一理貫
安行方熨穀無事忽翻練突如湯鼎沸翕作茶磨旋
勢迫中成窪怒齋外始暈已定稍安尉儻作更驚駭
漂漂浮沫起疑有潛鯨嘍勃勃駭浪騰復恐蟄螭拏

篙師瞪視魄灘戶呀雨汗遶巡怯大敵勇往決鏖戰
幸免與齊入還憂似蓬轉驚呼招竿折奔抹竹竿斷
九死舡頭爭萬苦石上牽旁觀競薄水撒過捷飛電
前余叱馭來山險固嘗徧今者擊楫誓豈復憚波面
澎澎三峽長颯颯一葦亂既微掬指忙又匪科頭慢
天子賜之履江神敢吾玩但催疊鼓車轉往助雙槳健

嘲峽石并叙

峽山江濱亂石萬狀極其醜怪不可形容舉非世間
諸所有石之比走筆戲題且以紀異

峽山狠無情其下多醜石頑質賈憎唾傀狀發笑啞

狀醜石入妙

麤類墳壤黃沉漬鐵矢黑或如溝泥泥或似凍壁圻
堆疑聚廩粟侈若壤城壁危槎牙鏤朽木狼籍委枯骸
礪珂包羸蚌淋漓錮鈿錫縱紋瓦溝隴橫疊衣摺襞
鱗皴斧鑿餘坎窞蹠踏力云何清淑氣孕此譎詭跡
我本一丘壑嗜石舊成癖端溪紫琳腹洮河綠沉色
階冊截肪膩泗磬鳴球擊嵌空太湖底偶立韶江側
真陽剗千巖嚴管道剗寸碧倦游所閱多未易一二籍
竭來茲山下刺眼昔未覲或云峽多材奇秀鬱以積
絕代昭君村驚世屈原宅東家兩兒女氣足豪萬國
山石何重輕奚暇更融液我亦味其言作詩曉行客

又為醜石解

8 勞畬耕并叙

畬田峽中加耕火種之地也春初斫山眾木盡蹶至當種時伺有雨候則前一夕火之藉其灰以糞明日雨作乘熟土下種即苗盛倍收無雨反是山多磽确地力薄則一再斫燒始可藝春種麥豆作餅餌以度夏秋則粟熟矣官輸甚微巫山民以收粟三百斛為率財用三四斛了二稅食三物以終年雖平生不識秔稻而未嘗苦饑余因記吳中號多嘉穀而公私之輸頗重田家得粒食者無幾峽農之不若也作詩以勞之

峽農生甚艱斫畬大山巔赤埴無土膏三刀財一田頗具穴居智占雨先燎原雨來亟下種不爾生不蕃麥穗黃剪剪豆苗綠芊芊餅餌了長夏更遲秋粟繁稅畝不什一遺秉得饜冷何曾識抗稻捫腹常果然我知吳農事請為峽農言吳田黑壤腴吳米玉粒鮮長腰瓠犀瘦齊頭珠顆圓紅蓮勝彫胡香子馥秋蘭或收虞舜餘或自占城傳早秬與晚擺濫吹甌甌間

長腰米狹長亦名箭子齊頭白圓淨如珠紅蓮色微赤香子亦名九里香斗米入數合作飯芳香滿案舜王稻焦頭無鬢俗傳
督艘燒種以與之占城種來自海南擺不辭春養禾但畏
極袖禾價最賤以上皆吳中米品也
秋輸官女吏大雀鼠盜胥衆螟螣掠剩增金區取贏

三吳之農
困于賦重
自守已甚

折緡錢兩鍾致一斛。未免催租癡。重以私債迫。逃屋
無炊煙。晶晶雲子飯。生世不下咽。食者定游手。種者
長流涎。不如峽農飽。豆麥終殘年。

巫山縣

自此復登陸至夔門縣首棹石灘最險
登岸以過舟謂之盤灘城樓曰高唐門
北去瞿唐不百里縣人以郭西流石
堆為水信流石及則灩澦如馬矣

借馬巫山縣。盤舟掉石灘。梅肥朝雨細。茶老暮煙寒。
門對高唐起。江從灩澦難。流堆三尺在。旅夢一枝安。
自巫山遵陸以避黑石諸灘。大雨不可行。
泊驛中一日吏士自秭歸陸行者亦會。

巫山信是陽雲臺。客行五日雲不開。陰晴何嘗有朝
暮。夜雨少休明。復來今朝水長不知數。沒盡山根蒼
石堆。東磯西磯盡如削。大灘小灘俱若雷。不知瞿唐
復何似。想見萬頃涼。一杯祇今水劑已壯矣。間道陸
程尤艱哉。摩圍隘口石生角。蹋颯坡前泥似醅。眼前
安得故園路。江沙江草便青鞋。

燕子坡

大山如墻。趺小山如塚。纍衆山直下看。方知此峯危。
木末見夔峽。一溝盎春泥。中有天下峻。造化真兒嬉。
峯頂不滿笑。舟中鬚成絲。登高尚超覽。况乃絕俗姿。

鬼門關

天作隴頭石關人言要隔塵樊百年會湏作鬼無事
先穿鬼關

離巫山好晴午後入瞿唐關憩高齋半日

一昨題詩訥苦霖果然連夜卷曾陰盡收行雨瑤姬
賜不徇世情巫峽心喜鵲滿枝朝日淡哀猿何處宿
雲深水門山徑高齋外一枕清風屏萬金

高齋即杜詩所謂曉色延

山徑高齋次水門者

灩澦堆

灩澦之石誰剗鑄惡駭天下形眇然客行五月潦始
漲但見匹馬浮黃湍時時吐沫作瀆淖潏潏有聲如

礪萬前蜀江西來已無路鑿山作漕方成川瞿唐之口
狹如帶乃欲納此江漫漫奔流下赴故偏仄汝更爭
道當其前舟師歎傾落膽過石孽水禍吁難全山川
丘陵皆地險惟此險絕餘難肩東坡筆端喙三尺顧
與作賦評嘲喧云非此石峽更怒曰頭忽作傾城妍
我從巫山飛一棹歡喜偶脫蛟龍涎是非信否未暇
詰且上高齋清書眠

夔州竹枝歌九首

五月五日嵐氣開南門競舡爭看來雲安酒濃麴米
賤家家扶得醉人迴

赤甲白鹽碧叢叢
半山人家草木風
榴花滿山紅似
火荔子天涼未肯紅

新城果園連漢西
枇杷壓枝杏子肥
半青半黃朝出
賣日午買鹽沽酒歸

夔婦趁墟城裏來
十十五五市南街
行人莫笑女麤醜
醜兒郎自與買銀釵

白頭老媪簪紅花
黑頭姑娘三髻丫
背上兒服上山
去採桑已閑當採茶

百桷畲山青間紅
粟莖成穗豆成叢
東屯平田秔米
軟不到貧人飯甑中

白帝廟前無舊城
荒山野草古今情
只餘峽口一堆
石恰似人心未肯平

灩澦如襍瞿唐深
魚復陣圖江水心
大昌鹽舩出巫
峽十日泝流無信音

當筵女兒歌竹枝
一聲三疊客忘歸
萬里橋邊有舩
到繡羅衣服生光輝

雲安縣

春暮子規少日斜
紅鵲飛兩山多布水
一鳥幾柴扉

蚓吐無窮壤人行不斷磯
巴陽昨夜雨灘上水先肥

杜子美詩云浩萬無杜鵑雲安詩云終日子規啼今萬州界
固不聞杜鵑而雲安已自少矣紅鵲飛時滿背純赤或云即

黃鶴也峽中短蚓之盛無如雲安江濱噴壤戢戢無際又多
天石岸有一石長里許者杜子美詩云禹功多斷石其實甚
長兩山間雨後瀑泉
數十百處尤可觀

萬州自此後登陸
州號南浦郡

晨炊維下巖晚酌榘南浦波心照州榜雲脚響衙鼓

前山如屏墻得得正當戶西江朝宗來循屏復東去

此萬州形勢也惟親
歷者當知此言之工官曹倚巖樓市井喚舡渡瓦屋仄

石磴猿啼聞人語剔核杏餘酸連枝茶賸苦窮鄉固

瘠薄陋俗亦寒窶土人賣杏皆先剔其核取人以爲藥
也土茶甚苦不簡枝葉雜菜葉煎之營

營謀食艱寂寂懷甄許昔間吏隱名今識吏隱處

橫溪驛感懷

行編天涯與地隅筋骸那比十年初朱顏有酒且留

住○白○髮○無○方○能○掃○除○未○得○歸○田○先○作○賦○專○攻○種○樹○已

成○書○祇○今○飛○到○南○山○下○猶○解○清○晨○出○荷○耜

午夜登岫山

瘴暑巖夜裝乘涼躡危嶠猿依黑林號鬼閃青炬嘯

驚鳥動危葉吟蟲滿荒草泉聲遠相隨山色近如香

夢猶風燈前身已雲木杪浮生固有役遠道何時了

豈惟失眠興亦自倒昏曉恭惟天心仁頗議民力槁

我懷漢制詔來尉蜀父老熙如春臺登沃若時雨膏

須知簡書急勿厭辱食早但勤筆力淬時助詩腸攪

峽石鋪

絲葛州至北山頂皆有長石如城壁直亘數峯不斷峽山至是亦稍開廣間有

田稻

峯頭壁立偉天造萬雉石城如帶繞山骨鱗皴火種
難山下流泉却宜稻新秧一稜綠茸茸茅花先秋雪
搖風后皇嘉種不易熟野草何為撓歲功

蟠龍嶺

自峽歸夔萬至午梁山五郡間不知其幾嶺梁山之蟠龍峰門尤為高峻然下

嶺即有平陸吏卒皆相賀云

夷陵至胸臆復嶺若絲亂初程尚勇往少日還委頓
安得長劍揮盡剉疊嶂斷雖云北山愚聊快南冥運
此意竟蕭索勞歌謾淒曼日日望平陸念念到彼岸

人言東馬險但欠蟠龍峻推類強弩末閔勉焚舟戰
譬如已償逋猶有未折券山根治曉裝峰頂寄朝飯
稍脫蚓瘴深還探虎窠玩性命乃可憂筋力何足算
嶺半塗有饅頭山以形得名其上多驚獸土人謂之虎窠

蟠龍瀑布自山頂漫汗淋漓分數道而下

望之宛從天降當為域中布水第一

銀漢來從左界天天風吹浪落蒼巔人間只見秧田
潤喚作蟠龍洞裏泉

峯門嶺遇雨泊梁山

窮鄉誰與話悲酸駐馬看雲強自寬酒力無端妨宿

岑是公唐
官此乃按
者依刻
改也

病詩情不淺任塵官虎狼地僻炊煙晚風雨天伍夏
木寒行盡峯門千萬丈梁山鼓角報平安

耶那驛大雨

暮雨連朝雨長亭又短亭今朝騎馬怕平日繫舡聽
竹葉垂頭碧秧苗滿意青農疇方可望客路敢違寧

墊江縣 屬忠洲

青泥沒髀僕頻驚黃漲平橋馬不行舊雨雲招新雨
至高田水入下田鳴百年心事終懷土一日身謀且
望晴休入忠州爭米市暝鴉同宿墊江城

巾子山又雨

百日藍輿困跼踟三晨泥坂兀躋攀晚晴幸自墊江
縣今雨奈何巾子山樹色於人殊漠漠雲容憐我稍
班班如今只憶雪溪句乘興而來興盡還

鄰山縣

山頂噓雲黑似煙脩篁高柳共昏然鳥啼一夜勸歸
去誰道東川無杜鵑

沒水鋪晚晴月出曉復大雨上漏下濕不
堪其憂

晚色熹微暖似薰兒童歡喜走相聞無端星月照濕
土依舊山川生雨雲

吳諺曰星月照濕土明朝依舊雨蓋
雨後微晴星月燦然必復雨占之每

驗旅枕夢寒泚屋漏征衫潮潤冷鑪薰快晴信是行人願又恐田家暴背耘

金山嶺

阪峻身頻偃崖深首屢回雲浮平地出路拂半天來
但闕關山過都忘歲月催湘南初上馬猶插早春梅
明日至鄰水又雨

昨日方無雨今朝又不晴滿山皆履齒隨處有泉聲
頗怪陰霖差應催老病成泥塗千騎士與我共勞生
殘夜上峯頂上

片月挂高嶺我行至其半于欵攬擷恐驚乘驪馬倦

菲菲桂香動肅肅露路脰寒北斗已到地南斗猶闌干
但聞浮黎音來從始青天大星與之俱曉色明旗旛
素煙渺陸海中有人所冀想見地上友啓明膏火煎
星落玉宇白日生綺霞丹冰輪未肯去相看尚團團
望鄉臺

千山已盡一峯孤立馬行人莫疾驅從此蜀川平似
掌更無高處望東吳

早晴發廣安軍晚宿萍池村莊

夜雨洗煩蒸曉風薦清穆雲頭隕鐵山日脚迸金瀑
暑塗一日涼遠客萬事足羈人正奔波觀者何陸續

驗旅枕夢寒泚屋漏征衫潮潤冷鑪薰快晴信是行人願又恐田家暴背耘

金山嶺

阪峻身頻偃崖深首屢回雲浮平地出路拂半天來
但闕關山過都忘歲月催湘南初上馬猶插早春梅
明日至鄰水又雨

昨日方無雨今朝又不晴滿山皆履齒隨處有泉聲
頗怪陰霖差應催老病成泥塗千騎士與我共勞生

殘夜上峯頂上

片月挂高嶺我行至其巔舉手欲攬擷恐驚乘鸞僊

菲菲桂香動肅肅露脚寒北斗已到地南斗猶闌干
但聞浮黎音來從始青天大星與之俱曉色明旗旛
素煙渺陸海中有人所竄想見地上友啓明膏火煎
星落玉宇白日生綺霞丹冰輪未肯去相看尚團團

望鄉臺

千山已盡一峯孤立馬行人莫疾驅從此蜀川平似
掌更無高處望東吳

早晴發廣安軍晚宿萍池村莊

夜雨洗煩蒸曉風薦清穆雲頭墮鐵山日脚迸金瀑
暑塗一日涼遠客萬事足羈人正奔波觀者何陸續

翠蓋立嚴粧青君行跣足俗陋介南徼物華入東蜀
竹萌苦已青荔子酸猶綠脩蘆密成籬直栢森似壽
泥乾馬蹄鬆路坦亭埃速暮投何人莊窓戶暗脩竹
巴蜀人好食生蒜臭不可近頃在嶠南其
人好食檳榔合蠟灰扶留藤一名萋藤食
之輒昏然已而醒快三物合和唾如膿血
可厭今來蜀道又爲食蒜者所董戲題

旅食諳殊俗堆枰駭異聞南食仄薦蠟巴饌菜先葷
幸脫萋藤醉還遭葫蒜熏絲葷鄉味好歸夢水連雲
嘉陵江過合州漢初縣下

井徑東川縣山河古合州木根孛斷岸急雨沸中流
關下嘉陵水沙頭杜老舟江花應好在無計會江樓
新晴行鄴水上與涪江相近

塗泥初乾雨不落日色未出暑光薄畏途得晴天復
涼真是膏錢更騎鶴渾渾鄴水流未平悄悄涪江如
鏡清過盡江沙穿麥壠忽有青蜩扶葉鳴

小溪縣 屬遂寧

刈麥千平壠橫槎一小溪梓花紅綻碎粟穗綠垂低
村婦猶多跣山猿遂少啼東州雖已過錦里尚雲西
茸山道中感懷

侍臣筆橐舊西班大將麾幢又百蠻挂席南箕宿昔
事閃旗東井何時還日增衰病復一日山隔舊遊知
幾山倦拂盤陀蒼石坐歸心聊與石俱頑

曉發飛鳥農霞滿天少頃大雨吳諺云
朝霞不出門暮霞行千里驗之信然戲紀
其事

朝霞不出門暮霞行千里今農日未出曉氣散如綺
心疑雨再作眼轉雲四起我豈知天道吳農諺云爾
古來古雷滂電說者類恢詭飛雲走羣羊停雲俗三豸
月當天畢宿風自少女起爛石燒成香汗礎潤如洗

逐婦鳩能拙穴居狸有智蜂蟻強知時螭蜥與聞計
埵鳴東山鶴堂審南柯蟻或加陰石鞭或議陽門閉
或云逢庚變或自換甲始刑鵠與象龍聚訟非一理
不如老農諺響應捷如鬼我詩敢夸博聊用醒午睡
遂寧府始見平川喜成短歌

峽之西遂之東更無平地二千里惟有高山三萬重
不知誰人鑿混沌獨此韃結何其工我本江吳弄水
月忽來踏徧西南峯不知塵界在何許但怪星辰浮
半空直疑飛入蝶夢境此豈應有人行蹤今朝平遠
見城郭云是東川軍府雄原田坦若看掌上沙路淨

如行鏡中芋區粟壠潤含雨楮林竹徑涼生風將
驩呼馬蹄快康莊直與錦里通半年崎嶇得夷路
笑未暇憐飄蓬

石湖居士文集卷第十七

石湖居士文集卷第十八

詩

九月十九日衙教回留大將及幕屬飲清
心堂觀晚菊分韻得譟暮字

暮字作
樂府

甲光射曾雲雨脚不敢到西山明古雪秋日一竿照
先偏井絡密後拒參旗掉分弓滴博平鳴劔伊吾小
君看天山箭狐兔何足了開邊吾豈敢自治有餘巧
歸來翠帷卷聊共黃花笑雖無落帽風亦復接羅倒
餘間校筆陣刻燭龍蛇掃毛錐乃更勇我亦鼓旗譟

冬至日銅壺閣落成

走徧人間行路難異鄉風物雜悲歡三年北戶梅邊
暖萬里西樓雪外寒已辦鬢霜供歲籥仍拚髀肉了
征鞍故園雲物知何似試上東樓直北看

十二月十八日海雲賞山茶

追趁新晴管物華馬蹄鬆快帽簷斜天南臘盡風晞
雪冰下春來水漱沙已報主林催市柳仍從掌故問
山茶豐年自是驪聲沸更着牙前畫鼓搥

雨後東郭排岸司申梅開方及三分戲書

小絕令一面開燕

雨入南枝玉蕊鉞合江雲冷凍芳塵司花好事相邀

勒不着笙歌不肯春

鞭春微雨

旛勝絲絲雨笙歌步步塵一年新樂事萬里未歸人
雲薄竟慳雪酒濃先受春送寒東作近慚愧耦耕身

綠萼梅

朝罷東皇放玉鸞霜羅薄袖綠裙單貪看脩竹忘歸
路不管人間日暮寒

玉茗花

折得瑤華付與誰人間鈿粉弄粧遲直須遠寄驂鸞
客鬢脚飄飄可一枝

張正字母夫人朱氏挽詞

蘋藻儀邦媛詩書了歲華
簪觥金室遺子群玉竟傳家
厚施心無斃浮生自有涯
空餘報恩子三載亦直麻
十二月二十四日西樓觀雪

一夜珠簾不下鉤
徹明隨雪上西樓
瑤池萬頃崑崙
近玉壘千峯滴博收
已報春迴南畝潤
從教寒勒北枝愁
四筵都為豐年醉
錄事何須較酒籌

丙申元日安福寺禮塔

成都一歲故事始於此士女大集拜塔下

燃香掛幡以禳兵火之灾

嶺梅蜀柳笑人忙
歲歲椒盤又異方
耳畔逢人無會

語

蜀人鄉音極難解其為京洛音輒謂之虜語或是僭偽

尤可笑姑長鬚邊隨我是吳霜新年後飲餘酥酒故事先

就用其字燃犀堵香石笋新街好行樂與民同處且逢場餘新

街笋

初三日出東郊碑樓院

故事祭東君因宴此院蜀人皆以是日拜掃

遠柳新晴暝紫煙
小江吹凍舞清連
紅塵一闕人歸後
點點飢鴛感紙錢

郊外閱驍騎剪柳

亦曰槎柳

千騎同瞻白羽揮
驚塵一闕響金鞮
不知制子雷聲
弓過但覺柳梢隨箭飛

初四日東郊觀麥苗

去歲秋霖麥下遲
臘殘一雪潤無泥
相將飽喫噉
沱飯來聽林間快活啼

櫻桃花

借暖衝寒不用媒
勻朱勻粉最先來
玉梅一見憐癡
小教向傍邊自在開

再出東郊

晚景增年慣
官身作客諳
大都緣偶熟
豈是性能堪
昔者開三徑
它時老一龕
越溪親種竹
芸綠想氍毹

三月二日北門馬上

新街如拭過
鳴驕芍藥酴醾
競滿頭十里珠簾都捲拭
上少城風物似揚州

上巳前一日學射山萬歲池故事

北郊征路記前迴
三尺驚塵馬踏開
新漲忽明多病
眼好風如把及時
杯青黃麥壠平平去
踈密擅林整
整來游騎不知都
幾許長堤十里轉
輕雷

上巳日萬歲池坐上呈程詠之提刑

濃春酒暖絳煙霏
漲水天平雪浪遲
綠岸翻鷗如北
渚紅塵躍馬似西池
麥苗剪剪嘗新麪
梅子雙雙帶
折枝試比長安水
邊景秋無飢客為題詩

新作錦亭程詠之提刑賦詩次其韻二首
飛鴻銜子謾紛紛萬里西遊始識真
不管吳霜微點鬢
來看蜀錦爛爭春
倚攔定有司花女
秉燭仍留主
夜神異縣賞心誰與共
故人新作坐中賓

又

小築聊耜草棘荒
遊人錯比召南棠
花邊霧鬢風鬟滿
酒畔雲衣月扇香
燦爛吟牋煩索句
淋漓醉墨自成行
報章遲鈍吾衰矣
終日冥搜謾七襄

錦亭燃燭觀海棠

銀燭光中萬綺霞
醉紅堆上缺蟾斜
從今勝絕西園

夜壓盡錦官城裏花

寶相花

誰把柔條夾砌栽
壓枝萬朵一時開
為君也著詩收
拾題作西樓錦被堆

三月二十三日海雲摸石

勸耕亭上往來頻
四海萍浮老病身
亂插山茶猶昨
夢重尋池石已殘
春驚心歲月東流
水過眼人情一
闕塵賴有貽牟堪
飽飯道逢田畯且
眉伸

四月十日出郊

約東南風徹曉
忙收雲捲雨一川
涼漲江混混無聲

綠熟麥騷騷有意黃吏卒遠時閑信馬田園佳處忽
思鄉隣翁萬里應相念春晚不歸同插秧

納涼

雨洗新秋夜氣清。悴肌無汗葛衣輕。盡簷分月下西
壁。絡緯飛來庭樹鳴。

西樓獨上

竹日駐微暑松風生早秋閑尋來處路獨倚靜中樓
老景驅雙轂鄉心挽萬牛相隨木上坐脚底亦雲浮

曉詣三井觀

路轉市聲遠寬閑古城東適從紅塵來忽入蒼煙叢
槿心傾穠露芋葉翻微風秋陽澹籬落殘暑不必攻
野老熟睡起日高首如蓬官身騎官馬君應笑龍鐘

曉起

黠鼠緣鈴索飢鴉啄井欄不眠秋漏近多病曉屏寒
咄咄渠何恠休休我自闌牙門朝日上簫鼓報平安

舫齋晚憩

心作萬緣起境生千劫忙誰同油幕靜獨對篆煙長
有盡天魔力無窮海印光雨餘弦月上塵界本清涼

秋雨快晴靜勝堂席上

一笑憧憧鴈鶩行簿書堆裏賦秋陽心如墜絮沾泥

懶身似飛泉激石忙。雨後蹲鳥先稻熟。霜前浮蟻鬪
根香。天涯節物遮愁眼。且復隨鄉便入鄉。

新涼夜坐

吏退焚香百慮空。靜聞蟲響度簾櫳。江頭一尺稻花
雨。窻外三更蕉葉風。日日老添明鏡裏。家家涼入短
檠中。簡編燈火平生事。雪白眵昏柰此翁。

秋老四境雨已沛。然晚坐筭邊樓方議祈
晴樓下忽有東界農民數十人訴山田却
要雨須長吏致禱感之作詩

歲晚羈懷有所思。秋來病骨最先知。鏡中公案已甘
老。紙上課程休諱癡。西堰頗聞江漲急。東山猶說雨
來遲。錦城樂事知多少。憂旱憂霖感足盡眉。

西樓夜坐

抗塵懷抱若為寬。繞屋蛙聲亦在官。巖殿桂無香。秋遂
晚。江鱸有約歲將寒。文書散亂朝癡絕。燈火淒清語
夜闌。病倦百骸非復我。但思禪板與蒲團。

立秋月夜

已放新涼入簟紋。更驅餘溽避爐熏。洗牙雲竹月時時
見。咽露莎蛩院院聞。稍喜雪山無斥候。但虞煙驛有
移文。行藏且付蘧蘧夢。明發還親鴈鴛群。

前堂觀月

箕踞繩床政自豪。遠遊何暇續離騷。蕭森萬竹秋逾瘦。突兀雙楠夜更高。東郭風喧三鼓市。西城石洶二江濤。色塵聲界如如現。本自無禪不用逃。

有懷石湖舊隱

浩蕩沙鷗久倦飛。摧頹馬不勝鞿。官中風月常虛度。夢裏關山或暫歸。橘社十年霜欲飽。鹽江一雨水應肥。冷雲着地塘蒲晚。誰爲披蓑暖釣磯。

太平瑞聖花

雪外捫參嶺。煙中濯錦洲。密攢文杏葉。高結綵雲毬。

百世嘉名重。三登瑞氣浮。挽春同住夏。看到火西流。
無題

聞道明朝送舊官。無情更鼓夜將闌。此生見面知何日。忍淚須臾子細看。

晁子西寄詩謝酒。自言其家數有逝者詞。意悲甚。次韻解之。且以建茶同往。

我讀晁子詩。十語九慨傷。長川日夜逝。鬢髮空蒼浪。君家出世學。無生亦無亡。鄉謂法幢立。何乃槁木僵。起滅不滿笑。古來共楸行。豈其捏目華。解翳海印光。我酒愧薄薄。未能暖愁腸。申以春風芽。一滄萬慮忘。

慧力儻未割。會且掀禪床。錦里有逢迎。謹避舍蓋堂。
居然足音足。好在故意長。啁耳念一洗。遲君鳳鳴岡。
○ ○ ○ 早衰不寐

官事拘孳似力田。作勞歸晚意茫然。按摩合體俱非
我。展轉通霄遠似年。一叟披衣惟兀坐。群兒得枕便
佳眠。人生元是華胥客。依向迷塗更着鞭。

晚步宣華舊苑

喬木如山廢苑西。古溝疎水靜鳴池。吏兵窸窣更番
後。樓雀闌崔嵬。欲暝時有露。冷螢猶照草。無風鷺雀
自遺枝。歸來更了程書債。目青昏。花燭穗垂。

西樓秋晚

樓前處處長秋苔。俯仰璿杓又欲回。殘暑已隨梁燕
去。小春應為海棠來。客愁天遠詩無託。吏案山橫睡
有媒。晴日滿窓鳧鷖散。巴童來按鴨爐灰。

明日分弓亭按閱再用西樓韻

眼看白露點蒼苔。歲月飛流首屢回。老去讀書隨愁
却。醉中得句若飛來。聞雞午夜猶能舞。射雉西郊不
用媒。自笑支離聊復尔。丹心元未十分灰。

丁酉重九藥市呈坐客

念於南北西三方皆

作水謂一闌燕山首句云萬里漢家使桂林云萬
里漢都護成都云萬里橋邊客今歲倦游甚矣不

復更和前曲仍
作此詩以自戲

莫向登臨怨落暉。自緣羈宦阻歸期。年來厭把三邊
酒。此去休哦萬里詩。烏帽不辭欹短髮。黃花終是欠
東籬。若無合坐揮毫健。誰解西風楚客悲。

會慶節大慈寺茶酒

霜輝催曉五雲鮮。萬國驩呼共一天。淡淡暖紅旗轉
日。浮浮寒碧瓦收煙。御盃樂聖千秋節。擊鼓迎冬大
有年。忽憶捧觴供玉座。不知身在雪山邊。

冬至日天慶觀朝拜雲日晴麗遙想郊裡

慶成作驩喜口號

浙浙霜風不滿旗。紫煙黃氣捧朝曦。五更貫索埋光
後。萬里鈎陳放仗時。留滯周南無舊事。布宣漢德有
新詩。豐年四海皆溫飽。願把驩心壽玉卮。

十一月十日海雲賞山茶

門巷驩呼十里村。臘前風物已知春。兩年池上經行
處。萬里天邊未去人。客鬢花身俱歲晚。粧光酒色具
時新。海雲橋下溪如鏡。休把冠巾照路塵。

海雲回按驍騎於城北原時有吐蕃出沒
大渡河上

古道風沙卷夕霏。小江煙浪皺春漪。天於麥壠猶慳

雪人向梅梢大欠詩頓響青驪飛脫兔離弦白羽嘯
寒鷗牙門列校俱剝銳檄與河邊秃髮知

合江亭隔江望瑶林莊梅盛開過江訪之

馬上哦此

何處春能早踈籬限激湍竹間煙雪迥馬上晚香寒
喚渡聊相覓巡簷得細看極知微雨意未許日烘殘

新作官梅莊移植大梅數十本繞之

臘前催喚主林神玉樹飛來不動塵契閣西湖慙處
士飄零東閣似詩人一天午夢空花碎滿地春愁月
影新掃淨宣華藜藿遲忘年誰記石湖濱

丁酉正月二日東郊故事

椒盤宿酒未全醒擾擾金鞍逐畫軌麥雨一犁隨處
綠柳煙千縷幾時青客愁舊歲連新歲歸路長真聞
短亭萬里松楸雙淚墮風前安得諱飄零

二月二十七日病後始能扶頭

復幕重簾苦見遮暮占栖雀曉占鴉殘燈煮藥看成
老細雨鳴鳩過盡花心為蚤衰元自化髮從無病已
先華更蒙癘鬼相提唱此去山林屬當家

病中聞西園新花已茂及竹迎皆成而海
棠亦未過

梅塢桃蹊斫竹初三旬高卧信音疎春雖與病無交
涉雨莫將花便破除祇合蘧蘧隨夢去何須吐吐向
空書頗聞蜀錦猶相待去歲今朝已雪如

○ 枕上

一枕經春似宿醒三衾投曉尚淒清殘更未盡鴉先
起虛幌無聲鼠自驚久病厭聞銅鼎沸不眠惟望紙
窻明摧頽豈是功名具燒藥爐邊過此生

初履地

扶頭今日強冠簪餘燼收從百戰酣長脛閣軀如瘦
鶴衝風奪氣似枯柵客來慵扶懶殘涕老去定同跡

勒龕何處更能容結習任教花雨落甍甍

密室憊坐

如許頭顱莫振矜但尋曲几與枯藤餘生不直一彈
指此病寧論三折肱何處丹房瘕候火誰家等室強
傳燈本來識字耕夫耳今歲仍添百不能

春晚初出西樓

試倚枯藤似繭雲堂堦微步小逡巡忽逢巖桂新袖
葉屈指黃紬睡一春

春晚卧病故事都廢聞西門種柳已成而
燕宮海棠亦爛漫矣

軒窗深窈似禪房竟日虛明裊斷香詩債無邊春已
老睡魔有約晝初長市橋煙雨應官柳墟苑池臺自
海棠游騎行歌莫相笑遨頭六結已龜藏

病起初見賓僚時上疏囚祠未報

浪將冠服衣猿狙因病偷閑稍自如時有好懷誇得
句略無情語怕回書邊城晏閑稀傳箭村巷春遨未
荷耜迨此良辰公事少天恩儻許賦歸歟

陸務觀云春初多雨近方晴碧雞坊海棠

全未及去年

遲日溫風護海棠十分顏色醉春粧天公已許晴教

了說與鳴鳩一任忙

報事碧雞坊裏來今年花少似前回笙篴冷落遨頭
病不着梁州打不開

清明日試新火作牡丹會

蜀人以洛中子葉種為京花單葉為

花川

再鑽巴火尚浮家去國年多客路賒那得青煙穿御
柳且將銀燭照京花香鬢半醉斜枝重病眼全昏瘴
霧遮錦地繡天春不散任教簷雨捲泥沙

三月十九日夜極冷

誰勒餘寒不放迴春深猶暖地爐灰鄉心忽向燈前

動夜雨先從竹裏來。鷓鴣已如鷺百轉。醪醑那復雪
千堆。調麩煮藥。東風老慚。愧茶甌與酒杯。

垂絲海棠

春工葉葉與絲絲。怕日嫌風不自持。曉鏡為誰粧未
辨。沁痕猶有淚燕脂。

浣花戲題爭標者

凌波一劇便捐生。得失何曾較重輕。蝸角虛名人尚
愛錦標。安得笑渠爭。

鹿鳴宴

岷峨鍾秀蜀多珍。坐上儒先更逸群。墨沼不憂經覆

甌。琴臺重有賦凌雲。文章小技聊干祿。道學初心擬
致君。富貴功名今發軔。願看稽古策高勳。

陸務觀作春愁曲悲甚作詩反之

東風本是繁華主。天地元無着愁處。詩人多事惹閑
情。閉門自造愁如許。病翁老矣癡復頑。風前一笑春
無邊。糟床夜鳴如落泉。一杯正與人相關。

種竹了題愛山亭

灑掃宣華舍。此君煙中月下綠。生塵它年葉葉清風
滿。莫忘今年借宅人。

題錦亭

手開花徑錦成窠
浩蕩春風載酒過
來歲遊人應解
笑甘棠終少海棠多

石湖居士文集卷第十八

此冊內舊有墨筆圈識其評詩多有後似非芸楮
先生筆也予作圈較小不至相亂 同書
石湖詩往有有力避常蹊語在蘇黃之閒
近人專取其平易一派失石湖之真矣



